

ELDJIN JUDAN

Presidente ASOMA

Eldjin Judan ta fungi como presidente di Asociacion di Músico (ASOMA) desde año 1998, pero durante e añanan promé e tabata fungi como vice presidente di e asociacion.

Bon Dia Aruba a combersá cu Eldjin y el a conta nos tocante e desarroyo te cu awor.

“Sin os papia di e desarroyo, mi mester bisa cu e desarroyo a cumenzá cu Musical Time. For di promé dia cu Mighty Talenta sali Calypso King, e tabata e tempo ey e pianista y cantante di Musical Time. Su promé año cu el a gana calypso tabata na año 82, anto su siguiente año el a gana e roadmarch, tureseynan tabata acompaña dor di Musical Time. E tabata forma parti di e banda, anto e banda ey mes ta e único banda cu tabatin calypso king, roadmarch king y



tumba king den nan propio formacion. Y no pa un ni dos biaha, sino pa varios biaha.

Despues a sali Chicho Kock, Long Roy, Inky, Calypso Teddy, Tattoo, Didi Wernet, Ramphis Tromp, pues, tur e talentonan aki a sali for di Musical Time.

Nan a pasa den e academia cu yama Musical Time.

E tempo cu Frenklin Granadillo a caba di studia na Burckley, cu el a bin ci un di e inovacionnan den Tumba, el a ahacié tempo di Burico cu Chicho Kock. Despues

Hildward Croes a caba di studia na Burckley tambe y a bin forma parti di Musical Time y tambe a haci inovacionnan den tumba, te cu nos tumba a modernizá hopi. Chucho Hoek tambe a yega di forma parti di nos. Pues tur e grandinan di awendia a forma parti di Musical Time.

No ta solamente Asociacion di Musico, sino tambe henter trayectoria cu e banda áki a hiba den e inovacionnan, y tempo du S-United a cumenzá cu SOCA na '80 cu nan a sali cu Mighty Redsy Mighty Cliffy, nos tabata eigenlijk e contrincante y for di eynan nos a tuma over y si tabata Mighty Talent, Long Roy of Tattoo cu a sali roadmarch, semper el a keda den e mesun famia, cu ta e famia di Musical Time.”

Relacioná cu un comentario di cu na e momentonan aki, desde cu ASOMA a uni cu SAC, ASOMA nota dedicando su mes na su meta sino ta dedicá su mes mas tanto na carnaval, Sr. Eldjin Judan a bisa cu te aínda ASOMA ta dedicando su mes na su meta.

“Pasobra tur e músiconan profesional cu ta traha hunto cu Asociacion di Músico sa c on dolor nos tabatin cu e desarroyo

di música di Aruba. Esnan cu ta criticá, na lugar di haci esaki, mester aportá na e asociacion specialmente si nan tambe ta músico,” Eldjin Judan a bisa agregando cu no mester papia di ASOMA como si fuera e ta un directiva of simplemente algun hende cu ta haci kico cu ta.

“Un músico cu ta pone su profesion dilanti y su respet pa su música no ta papia asina. Por ta e no sa mes cu na e momentonan aki e comisión técnico di ASOMA ta tratando aworaki di forma un union. Hopi ta kere cu ta ami tin cu sinta y haci tur cos pa nan.”

Ki mensahe lo por duna pa e carnaaval 45 aki?

“E mensahe e pueblo a haña caba durante e festival di Calypso. Apoyá local ta di nos y no solamente den temporada di carnaval, sino despues di carnaval tambe,” Judan a bisa, agredando cu “Sin os medionan di comunicacion, specialmente nos radio emisoranan cumenzá apoyá nos músiconan local despues di carnaval, anto e ora ey porfin nan por haña mas aprecio na nan lugar envez di cualkier agrupacion of banda cu ta bini di afó cu ta haci manera cos cu nan ta mihor cu nos.

E propio medionan di prensa cu tin e propio promotoman cu ta busca e bandanan di afó, mester duna cara y bisa pueblo cu ta nan ta esunnan y no tira e falta riba ASOMA.

Nos mesun hendenan ta haci carnaval grandi pero na mes momento nos mes hendenan ta busca tur sorto di negativismo pa haci programanan radial cuné na lugar di pusha nos música.”

**Feliz
Carnaval 45**